

Radunonza communal da dils 19 d'ust 2022

Total persunas cun dretg da votar: 456 persunas
Presentas: 60 persunas = 13.16 %

A caschun dalla radunonza communal ei vegniu tratg neginas decisiuns.

Ils presents ein vegni informai sur dallas suandontas caussas:

Tractanda 3

Novas structurass per tgamunar la vischnaunca – Informaziun e presentaziun dallas propostas

La suprastonza communal ha dau l'incumbensa d'examinar la structura d'organisaziun dalla vischnaunca cun las suandontas finamiras:

- adattar la structura d'organisaziun allas sfidas futuras
- sparter meglier las incumbensas strategicas ed operativas
- rinforzar la substituziun vicendeivla
- rinforzar la habilitad d'agir dalla suprastonza communal en decisiuns strategicas

El center stat l'introducziun d'in model directiv e l'adattaziun dallas cumpetenzas dalla suprastonza communal e dalla radunonza communal. En vesta dallas sfidas futuras dalla vischnaunca ei quei d'impurtonza centrala.

Tractanda 4

Presentaziun resultats valurisaziun Parc La Mutta

Il project «Falera – in vitg cun bia potenzial» determinescha ils accents dil svilup turistic futur da Falera. La funcziun d'in project-muossavia duei vegnir attribuida al Parc la Mutta.

La presentaziun dil project parzial Parc la Mutta muossa ils resultats essenzials dall'analisa dil Survetsch archeologic dil Grischun e co ins sa nezegiar cun success il potenzial dil Parc la Mutta per la vischnaunca da Falera.

Allas 22:00 uras siara il president communal la radunonza.